



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt VII.

urn:nbn:de:hbz:466:1-11453

nibus infestare curarunt. Moratus apud Donatianum
 senenses duos Imperator, postquam seminis facienda
 spem omnino praterisse, & agrum penitus vastatum
 vidit, excedens dixisse fertur: Florentinos, vel socio-
 rum vrbi inclusorum auxilio, satis sufficere indigentia
 & famis ita cumulanda, vt ante aestatis initium, se, qui
 in deditioem recipiat, pariter vocare & orare cogantur.
 Sed illi alijs armis pugnare statuerunt.

CAPVT VII.

Profectus Donatiano Imperator, primis ad Boni-
 cium castris peruenit: vbi oppidum restituit, quod
 dudum ante Karolus rex exciderat: dumque hyberna
 ibi ducit, Senenses, & proximiores sibi Mimatenses,
 Collensesq³, vastatione agrorum, & illatis quandoque
 in erumpentes cladibus, agitauit. Intellexerant interea
 Florentini abesse non posse, quin vel fame coacti mimi-
 co Imperatori futura aestate dederentur: quare petitum
 saepenumero auxilio Robertum regem, cum, vt amicis
 subueniret, pervincere non potuissent, deditum vrbi do-
 minium, urbem vt conseruaret, impulerunt: nihil in
 subiectitis conditionibus acto expressius, quam ne exu-
 les quouis tempore, quacunque causa & ratione redu-
 ceret: nec tamen alia tunc praesidia rex immisit Rober-
 tus, quam quae a Bononia, vt ostendimus, & Ferraria ad-
 uenerant: nouo enim bello ipse agitari coeperat: quod
 Fridericus rex Sicilia transmissis cum copijs fretis, &
 capto Regno tunc intulerat, agentique ad Boniciu Im-
 peratori de Friderici in Calabros aduentu, & Pisano-
 rum, Genuensiumq³ parata, vt iusserat, classe, fuit num-
 ciatum. Quare, vt cum Roberto, in Neapolitanum re-
 gem a Romano pontifice instituto, iure ageret, Pisas se
 contulit: Quam urbem praclaram, & vt dicebat, libe-
 ram,

ram, Robertum regem, obiectis se purgaturum, edicto adire ter repetito admonuit. Interea tamen Lucenses, Mimatensesq³, raris affecit cladibus, vt Lucenses, amissis agri oppidis, apparuerit eo anno simul cum Florentinis in deditioem fuisse venturos. Acta igitur in hunc modum maxima astatu parte, Imperator per Senensem agrum, vbiq³ vastatum, contulit se Aretium: Qua in vrbe, cum magnis honoribus esset acceptus, Robertum regem priuatum regno pronunciauit: & hinc classens in illum iussit nauigare: inde in Senenses ipse profectus est: confusus, dum eam obsideret ciuitate, Florentia per deditioem, Lucaq³ potiri. Cum esset ventum ad montem apertum, Senarum vrbi ad tertium, vel circa, lapidem proximum, & Florentina clade nobilitatum, Imperator incidit in agritudinem, ex qua vt conualesceret, medicorum consilio balnea adiit Maceratensia: Quo in loco certior est factus, Clementem Romanum pontificem censuisse, & literis declarasse, regno priuare Robertum non potuisse: qui ad loca non tuta fuerit euocatus. Cum autem Imperator ea balneorum lotionem minus recreari & conualescere videretur, medicis item consulentibus, purioris aeris loca petere voluit, Itaque est Bonconuentum: quod oppidum duodecimo a Senis miliario distans, dum obsidione incipit premere, diem obiit. Signa veneni in cadauere apparuisse, multi scribunt. Ptolemaeus verò Lucensis affirmat veneno eum perisse, a Prædicatorum ordinis fratre, in eucharistia dato: aliusq³ addit, id Florentinorum procuratione factum: Ipsi fratres multa in purgationem sui fratris congesserunt. Hic fuit exitus Imperatoris satis aliàs fortunati, & qui per Italiam videbatur, si longior vita fuisset, Imperij inra potuisse restituere: Sed arma Florentinorum occulto prauauerunt.